

湖北金石志

金石志十二

宋

開山智海塔碑

佚

開山智海塔碑

淳熙二年

東陽志

慕連亭記

未見

慕連亭宋淳熙丙申知府周頡慕連萬夫兄弟因建慕連

亭李松齡記雲夢尹胡達孝繪鄖城霜霽圖鐫于碑陰亭久廢碑亦沒嘉靖丙申修城出其碑于沙土中顏朮有詩

記之

安陸志

興國軍大冶縣學記

志

金石十二

天子非人才無與共治天下人才也者其源在鄉其流在郡其歸在朝廷積石河之源也岷山江之源也播而九之河之流也別而九之又三江之流也其歸則同入於海也河且南且東至於華陰底柱同孟津大伾過大陸而北之此而見河之功江所厯曰沱曰澧曰東陵曰匯曰中江皆東趨此而見江之功皆未逾海之爲歸其澤溥也人才在鄉不若在郡國在郡國不若在朝廷朝廷人才之海也而其源則濬於其鄉周制士有秀自鄉而升之司徒則以選士名之拔於其羣也選士又有秀自司徒而升之學則以俊士名之尤於其選也旣升則弗征則以造士名之與民別也造士又有秀大樂正以告於王而升諸司馬則以進士名之與士別也進士又有

賢司馬以告於王而官之爵之祿之此人才之濫觴也周官三百六十總以六卿內外高下別之乃克用又蓋人才皆由此出也今之天下爲里若干而屬諸鄉爲鄉若干而屬諸縣縣也者鄉之會也此論士之積石岷山導之則九國受其惠否則萬物壅其澤其利害顧不大哉公來爲是邑則曰財匱當理訟滯當決有司事也學校弗振則人才弗茂人才弗茂則國奚須君奚賴哉國事也君事也古者三十年爲一世州以士獻郡弗以名問閎世而且過之其才小不展於州縣大不施於朝廷士奚忤有司之慚可旣乎何爲咎有司也縣令於民有父母之道於士有師之道焉民弗興咎在父母士弗作咎在師公甚病之則以告凡邑之民曰學也者爲國養才非虛拘夫士也士也者爲國養德非空廩夫官也德足矣位

及之所以訓治汝等既富且良而爲美俗也於是役興而民  
騷趨則又以告凡邑之士曰學也者非徒其文也學之本在  
道士也者非徒其貌也士之實在心所以推之治國平天下  
惟公所學是資也於是工休而士競勸則以請東平王某書  
之公不自有又以告凡邑之士若民曰學也者天子制之有  
司行之當戴天子無思有司詩不云乎周王壽考遐不作人  
知本也夫於是以時釋菜於先聖之庭再拜稽首詠歌君師  
之德以爲天而后某爲之述曰丙申冬十一月二十八日緒  
功也丁酉春二月十五日訖事也三十有七者其楹也西而  
北者其方也其來請者周君之奇朱君紱何君若董君惟新  
萬君鈞陳君助學之儒生也其更新者潘公子韶邑之令君  
也公三山人賢而有政事文章觀此其他不問而可知也

興國軍大治縣學記王質撰

清熙四年

金石存佚考

富池昭勇廟記

佚據雪山集錄人

昭毅武惠遺愛靈顯者王爵號也昭勇者王廟號也富池者王廟所也甘氏者王姓也巴郡之臨江者王鄉里也某爲秦丞相王遠祖也某爲吳尙書某爲會稽令者王子也某爲吳太子太傅某爲晉鎮南大將軍某爲散騎郎者王孫也鎮南者死王敦之難於襄陽晉忠臣也吳王所仕國也大帝王所事主也西陵太守升城督折衝將軍前部督王所應官也破曹公於烏林於濡須獲朱光於皖城遏張遼於合肥走關某於益陽解曹仁於南郡禽黃祖於武昌者王生而在吳之功也捍寇賊保城邑興雨澤救生靈於元豐于建炎于紹興于

隆興者王沒而在宋之功也王生而事劉表事黃祖皆弗克  
終而其際會建功立業者吳也王沒而厯晉厯宋厯齊厯梁  
厯陳厯隋厯唐皆無所寵嘉而其尤大彰明較著者宋也宋  
有天下追錄前代忠臣義士死而能有陰功密澤者於是以  
王爲襄國公開寶五年太宗皇帝錫之也以王爲襄國武靈  
公者元豐五年大旱禱雨有應郡以狀聞神宗皇帝錫之也  
以廟爲昭勇者政和二年部使者以王功聞諸朝徽宗皇帝  
錫之也以王爲武惠王者宣和五年道士臧歸真以王功上  
公車徽宗皇帝錫之也以王爲武惠昭毅王者建炎二年以  
靈卜驚張遇郡以狀聞太上皇帝錫之也以王爲昭毅武惠  
靈顯王者建炎四年以陰兵鎮金人御營使劉光世以狀聞  
太上皇帝錫之也以王爲昭毅武惠遺愛靈顯王者紹興二

十一年部使者以王功聞諸朝又太上皇帝錫之也王太守將軍於吳公於開寶增號於元豐王於宣和一再增號於建炎又增號於紹興嗚呼吳於王厚宋於王尤厚也順佑柔懿凡兩夫人小君若女也紹威紹靈凡兩侯尙書若會稽也建炎四年劉光世之請也嗚呼吳於王厚宋於王尤厚也吳所以興者有五人也不能退曹公使曹公順流而下吳必亡其退之者周瑜也不能禽關某使關某卷襄漢而上吳必亡其禽之者呂蒙也不能卻漢先主使先主順流而下吳必亡其卻之者陸遜也不能取黃祖使黃祖據中而立吳弗興其取之者王也魯肅也肅之言曰漢室不可復興曹操不可卒除惟有鼎足江東以觀天下之釁勦除黃祖進伐劉表竟長江之所極據而有之然後建號以固天下此高帝之業也王之



言曰漢祚日微曹操彌驕終爲篡盜南荆之地山陵形便江川流通國之西勢也劉表慮淺子劣不可後操圖之宜先取黃祖進據楚關漸規巴蜀此二策者吳所以興也漢帝之興韓信壇上之辭也漢先主之興諸葛廬中之辭也吳大帝之興興王所建取武昌并荊州之謀也周瑜呂蒙魯肅陸遜班也陳武陵統董襲蔣欽非班也後王之沒千餘年始與史氏辨正而著王之等夷爲高非諸公之品也嗚呼其亦有數也已按圖經王嘗爲偏將領陽新下雒縣今在郡西大帝取以爲武昌郡者也按傳王爲西陵太守領二縣陽信在隋爲富川又爲永興去西陵千餘里疑傳未安也或者爲西陵之後易領陽新下雒上接武昌下控潯陽未可知也按圖經王嘗侯潯陽鎮富池按傳王之卒也未侯嘗屯當口屯半洲不及富

池疑圖經未安也今下雉去富池二十餘里或者富池卽故  
下雉未可知也嗚呼校合山川道路於千載之上難也可以  
闕書而王之豐功茂烈則不可以闕書也受吳之恩報之如  
此受宋之恩報之又如此則王之忠義又不可以闕之也宋  
祚無極王心亦無極陰殄北狄永清中原共躋登茲王之威  
靈誠足以及此也詞曰

陵谷兮疊爲高深草木兮秋春明月兮不淪金支翠旗兮常  
新波濤沸兮簫鼓龍吟兮蛟舞瑤簪兮瓊琚江妃兮漢女卮  
動兮星流袂舉兮雲浮格澤機槍兮播落踧踏虛空兮百萬  
之貔貅厲鬼驚兮疾走飛沙兮石吼玉劍兮不鳴天河兮無  
聲萬億年兮元功生死兮哀榮穀我兮絲我淮之右兮江之  
左繚荆揚兮提封惠澤兮穹窿赤縣風塵兮蒙籠揭龍旂兮

在大宮談笑汎掃今正帝位於天中有詔臣某兮汝其爲王  
頌之拜手稽首曰臣其敢辭

富池昭勇廟記王質撰在興國州

金石存  
佚考

江陵府曲江樓記

侯鑑朱子大  
全集錄入

唐漢張侯敬夫守荊州之明年歲豐人和幕府無事顧常病  
其學門之外卽阻高墉無以宣揚鬱湮導迎清曠乃直其南  
鑿門通道以臨白河而取旁近廢門舊額以榜之且爲樓觀  
以表其上敬夫一日與客往而登焉則大江重湖縈紆沙溷  
一目千里而西陵諸山空濛晻霏又皆隱見出沒於雲空煙  
水之外敬夫於是顧而歎曰此非曲江公所謂江陵郡城南  
樓者邪昔公去相而守此其平居暇日登臨賦詠蓋皆脩然

有出塵之想至其傷時感事寤歎隱憂則其心未嘗一日不在於朝廷而汲汲然惟恐其道之終不行也於戲悲夫乃書其扁曰曲江之樓而以書來屬予記之時予方守南康病侵陵求去不獲讀敬夫之書而知茲樓之勝思得一與敬夫相從遊於其上瞻眺江山覽觀形制按楚漢以來成敗興亡之效而考其所以然者然後舉酒相屬以詠張公之詩而想見其人於千載之上庶有以慰夙心者顧乃千里相望邈不可得則又未嘗不矯首西悲而喟然發歎也抑嘗思之張公遠矣其一時之事雖唐之治亂所以分者顧亦何預後之人而讀其書者未嘗不爲之掩卷太息也是則是非邪正之實乃天理之固然而人心之不可已者是以雖曠百世而相感使人憂悲愉佚勃然於胸中悅若親見其人而真聞其語者是

豈有古今彼此之間而亦孰使之然哉詩曰天生蒸民有物有則民之秉彝好是懿德登此樓者於此亦可以反諸身而自得之矣予於此樓既未得往寓目焉無以寫其山川風景朝暮四時之變如范公之書岳陽也獨次第敬夫本語而附以予之所感者如此後有君子得以覽觀焉  
一月己巳日南至

曲江樓記朱子撰清熙六年金石存佚考按南軒集有開城門直江湖南舊有門曰恩波在近處久塞今移於此緣舊亭出門即而猶今為開闢氣象甚佳因為樓於上登覽遂為一郡之冠以曲江樓名之蓋張曲江來為長史時有登江陵郡城南樓詩政用以名欲求尊兄為記幸不惜筆以為此邦形勢之重樓之下即是自水河河之外即大湖漆澤之外即荆江如高沙湖之類皆在指顧以至喚州諸山亦隱隱見於雲水之外也以記中有次第敬夫本語云云因并錄之

明悟大師塔銘

行正書  
在隨州

大洪山崇[範]保壽禪院第十一代住持傳法覺照惠空佛智  
明悟大師塔銘

承議郎權發遣隨州軍州事兼管內勸農營田屯口  
事借紫張淵撰并書

夫野人之居于深山所與游嘯而燕息者草木之臭味麋鹿  
之資性適其所自適而已其於身後榮名與王公大人借勢  
以爲光寵不惟地偏事左非其所便利而其世故緣法不相  
關涉莫或夢想及之也大洪山崇[範]保壽禪院第十一代住  
持傳法沙門慶顯蜀之廣安口族姓王氏雖本儒家子幼不  
爲聲利起念因誦十二時歌至未了之人聽一言只這而今  
雖動口豁有深省出家從長老惟益學以鈔疏口非究竟惟

益令參大死卻活之句既打住銳然發憤參敏什方嘗詣泰  
佛性佛性蓋熟視之令參堂未幾佛性回寂徒詣果月庵詰  
以一雙鴻鴈泊地高飛兩隻鴛鴦池邊獨立凡二年針芥不  
相投值月庵赴怡山招禮師乃詣天童見宏智覺禪師一見  
心服然當棧不發閱三年辭去宏智指示云子見吾叔淨嚴  
遂當爲子重師奉教徑趨大洪始至淨嚴問云今夏離什麼  
處師云天童淨嚴云曾見水磨否師云見淨嚴云左轉邪右  
轉邪師云阿轆轤地淨嚴云活頭漢師云非但某甲佛祖亦  
然一日隨眾人室淨嚴問仰世界卽是覆世界覆世界卽是  
仰世界汝作麼生會舉未竟師於言下大悟因轉一匝去淨  
嚴把住云弄精魂作麼師云波斯人大唐淨嚴云汝可歇去  
師首肯自此日就月將作用綿密又三年賢洞山補處淨嚴

道師□贊臨岐付囑曰汝善護持他日孤峰絕頂建大法幢  
亢吾宗矣夫淨嚴人天導師許可如春秋直筆師游歷諸方  
不爲苟且直得大死更活一旦同時啐啄如風雲感會嗣淨  
嚴法□住大洪山京西師漕溪東守倅其論薦之朝廷下省  
帖照應舉請蓋自師始也師壞色以爲衣糲梁以爲食空苦  
寂滅□□其學力於曹洞宗旨明一色邊事夫既死灰其心  
槁朽其形以法語爲夢語道號爲牧蛇其於世泊然無所起  
其於塵慾淡然無所嗜視榮名貴勢何有於我者夫孰肯措  
心積慮拚援傳會僥一日之幸求快其志爲哉然而縉紳名  
流參攷以求開發聞望日隆檀信日盛獨坐洪峰孤絕之頂  
方來雲衲輻輳鱗集法幢果大克建蒙恩頒降覺照慧空佛  
智明悟大師凡八字由是牧蛇之聲徧滿江湖轉轉聞上表



其真實義諦夫既光明盛大矣東宮爲之親灑翰墨作牧蛇庵三大字以標榜叢林此蓋前輩衲僧遭逢當世得未曾有也山中徒弟揭之塔庵牧蛇旨要四方知歸焉且其說曰三界虛僞惟是一心離心則無一切境界相狀太虛本無相狀萬象豈有根源奈何末世眾生惑失正念俱受輪轉蓋由三毒蛇之所障翳五蘊相之所奔馳墮聲色中逐流忘返多矣且牧蛇之意其義謂何以眼耳鼻舌身爲蛇邪以心意識爲蛇邪以髮毛爪齒爲蛇邪以森羅萬象爲蛇邪若以眼耳鼻舌身爲蛇者則色聲香味觸如幻化如影象如空中花如芭蕉□若以心意識爲蛇者則心如工伎兒意如和伎者五識爲伴侶妄想所成大圓鏡中無如是事若以髮毛爪齒爲蛇者則四大之聚沫如鏡□之微塵動靜去來風□□轉若以

森羅萬象爲蛇者則清淨本然云何忽生山河大地如是觀之身心一如身外無餘來無所從去無所至其中間誰是牧者是回收蛇老人所以爲人垂示云爾人之入乎其中發真□源知所自牧所謂雪裏蘆花無塵無對山林朝市誰往誰返儼來之利名彼將何自自人也一時名公卿有若丞相虞公郎中陶公殿撰陳公左司丁公皆當路主司者一見而忘勢交之出口薦之其在山中天龍鬼神佐佑靈濟而出雲雨見怪物者□師稱讚咸增爵秩嗚乎此非必勢諸名卿以相提掖唯其德盛仁熟誠之不可拚妮夫草中之蘭人服媚之以爲國香決非拚援傳會所得也師住世年七十八坐夏臘五十三受具弟子宗伯而下二百餘人宰堵波旣成宗瑄宗達求銘于余凡二年其求愈力不可但已也銘曰

說法大洪

多曹洞宗

懿厥牧蛇

宗通說通

孰駕其說

郎星卿月

天宮帝子

爲綸爲綽

牧蛇一時

名振宗師

曹洞如綫

孔□大之

實善學徒

佩服師慕

一色邊事

有鄰不孤宋

臨熙九年壬寅秋八月二十四日小師宗瑄宗遠等立石

明悟大師塔銘張淵撰行書清熙九年湖北隨州

寶宇訪碑錄

馬案石碑在隨州大洪山連額高七尺九寸寬二尺九寸

題大洪山崇甯保壽禪院第十一代住持傳法覺照慧空

佛智明悟大師塔銘第二行題承議郎權發遣隨州軍州

事兼管內勸營田屯□事借紫張淵撰并書末行題宋清

熙九年秋八月廿四日小師宗瑄宗遠等立石額正書大

洪山顯禪師塔銘八字碑云慶顯蜀之廣安人族姓王氏

本大儒家子自幼奉佛後趨大洪禮淨嚴師遂獨坐洪峰  
之頂蒙恩頒降覺照慧空佛智明悟大師凡八字東宮爲  
之親灑翰墨作牧蛇庵三大字以標其叢林此得未曾有  
者也其時丞相虞公郎中陶公殿撰陳公左司丁公輩皆  
忘勢交之云云按宋史隆興三年虞允文拜資政殿大學  
士<sub>清</sub>熙元年薨又紹興十二年狀元陳誠之以時證之丞  
相者蓋虞允文也殿撰者陳誠之也陶丁二人無考

湖北金石

詩注

### 文選樓記

佚據襄陽府志錄入

**清**熙九年夏六月詔前禮部侍郎齊公鎮襄陽越明年教條  
既定毗俗知勸邊鄙不聳民恬以嬉公於是搜訪古先哲人

遺風軼跡隱而未著者以寓遊觀得梁昭明高齋故址於譙門直西古城上按圖經昭明嘗聚才士劉孝威庾肩吾輩凡十人著文選號高齋學士南史載昭明生襄陽五歲讀五經悉通諷誦高齋之號或者基於是歟後人卽其址爲齋歲久燒腐摧於蓬蒿公命撤而新之齋虛而明高而安心舒目朗周覽無礙其西爲楚山螭螭扶輿而環翠屏旁出數峰蒼然秀色遠與天際浮以清江靄以白雲纖穠去來瞬息百態其南則鹿門峴首肩隨踵接橫闌几席若將俯而有之凡樵夫牧兒步上下山皆可指數於煙霞杳靄之中近而里閣樓觀萬瓦如鱗方春草木搖颺雜以丹碧市城雉堞迴環璀璨鑿鑿照人憑虛而望者不臨流不適墊而得大觀雖古今盛衰興廢或者不同而山川高下之吞吐烟雲朝夕之變化閱千

載如一日者固有焉此昭明所以飾爲齋宇以處其徒廓其  
見輯其書而公爲之激昂慷慨尙友昔人挹其風於旣頽也  
始公以人物議論被上眷知入爲監察御史疏十事譏切時  
病當上意遷太常少卿日趨經筵益陳治道上以公所學爲  
有用不數月而三遷其官公於斯文誠有大過人者猶惓惓  
於文選何哉昔李善嗜文選之學積其注爲六十卷李德裕  
家獨不置文選誦其書爲不根好惡所在二者俱失之偏惟  
公忘言於舛擇而涉取其精華發爲斯世之用公蓋得其全  
者歟新其齋而表出之昭明之遺繇公而不泯矣公名慶胄  
字子餘青社人云

文選樓記陳棋撰

**涖**

熙十年在襄陽

金石存  
佚考

鄂州社稷壇記

侯據朱子大  
全集錄人

開熙十年春朝奉郎知鄂州事新安羅侯願以書來曰吾州  
羣祀之壇始在中軍寨去年秋通守清江劉君清之至而往  
謁焉視其地偏迫沔下燎瘞無所不稱藩國欽崇命祀之意  
且念比年郡多水旱札瘥之變意其咎或在是則言於州請  
得度地更置如律令已而劉君行州事遂以屬錄事參軍周  
明仲行視得城東黃鶴山下廢營地一區東南十丈南北倍  
差按政和五禮書爲四壇而屬其役事於兵馬監押趙伯烜  
作治未半而願適永乏又屬都監王椿董之以速其成焉某  
月壇成東社西稷居前東風伯西雨師雷師居後少卻壇皆  
三成有墼墼四門前二壇址皆方二丈五尺崇尺二寸後二  
壇址皆方一丈六尺五寸崇八寸其再成方面皆殺尺崇四

分而去一二成方殺如之而崇不後殺前二壝皆方四丈二尺門六尺間丈五尺後三壝皆方二丈八尺門五尺間四丈九尺其崇皆四尺社有主崇二尺五寸方尺剡其上位其下半石也南五丈爲門三間北二丈有奇爲齋廬五間繚以重垣甃以堅甃而植以三代之所宜木亦旣練時日屬寮吏修祝號以告於神而妥之矣則又與劉君謀以吾子之嘗學於禮也是以願請文以記之俾後人之勿壞也熹按社實山林川澤邱陵墳衍原隰五土之祇而后土句龍氏其配也稷則專爲原隰之祇能生五穀者而后稷周棄氏其配也風師箕也雨師畢也是皆著於周禮領於大宗伯之官唯社稷自天子之都至於國里通得祭而風雨之神則自唐以來諸郡乃得祀焉至於雷神則又唐制所與雨師同壇共牲而祀者也



國朝禮文大抵多襲唐故故今郡國祀典自先聖先師之外  
唯是五者蓋以爲三氣之長能天地之功用流行於覆載之  
間以育萬物而民生賴焉者其德惟此爲尤盛是以於其壇  
墠時日之制牲幣器服之品降登饋奠之節莫不參訂討論  
著之禮象頒下郡國藏於禮官有司歲舉行之而部刺史又  
當以時循行察其不如法者蓋有國家者所以昭事明神祈  
以降祥錫福于下其勤如此顧今之爲吏者所知不過簿書  
期會之間否則觴豆舞歌相與放焉不知反其所敬畏崇飾  
而神事之者非老子釋氏之祠則妖妄淫昏之鬼而已其於  
先王之制國家之典所以治人事神曷嘗有槩於其心哉嗚  
呼人心之不正風俗之不厚年穀之不登民生之不遂其不  
亦以此歟今羅侯之與劉君乃能相與汲汲乎此非其學古

愛民之志卓然有見乎流俗見聞之表其孰能之顧雖不文  
不足以記事實垂久遠然二君子過以爲嘗從俎豆之事不  
遠千里而屬筆焉其得辭之乎因爲書之使以刻于麗牲之  
石後有君子得以覽焉羅侯方與劉君相率勸農學劭農甚  
力劉君又嘗請於前守李侯械禁境內無得奉大洪山淫祠  
者其於教民善俗之事力所可爲無有不盡其心也十一年  
春正月甲辰具位新安朱熹記

鄂州社稷壇記碑朱子撰酒熙十一年在江夏

金石存  
佚考

鄂州張烈女祠堂記

佚據鄂州  
小集錄入

嘉祐三年春正月甲申有詔封江夏民妻張氏爲旌德縣君  
表其墓曰烈女勅州縣致奠且賜其家酒帛謹按張氏鄂州

江夏縣人嫁爲民妻里中少年有謝師乞者過其家欲通之  
脅以白刃張氏大罵曰庸奴我聞死豈從汝耶師乞割其咽  
未卽死猶捽師乞以告事聞有是命後百餘年願來爲州訪  
問所表烈女處中更兵火吏民無知者距城東十里有黃鶴  
山州人之葬多在焉歲時拜掃必至所勝緣僧舍者乃與通  
判劉君謀立祠其中以稱明詔之遺意夫男女之際聖人嚴  
之別其氏族而定其配偶粲然有章不相凌越斯人之所以  
別於禽獸也起於逸居之小人不勝血氣之私浸尋非禮以  
至失身喪偶亂倫滅類者何可勝數而其婦人女子乃有能  
明之分不背其夫不辱其親身可危而志不可折者是豈有  
異於殺身成仁舍生取義大丈夫之事也哉故以匹婦之微  
而齒封君之貴生百代之後而擬於上世之烈處窮閭之下

而揚天子之庭其家有賜其位有尊其藏有表精神凜凜人  
益可敬而彼一時狂子固已戮之有司淫昏之魄泯漠不靈  
夷考其初則生相邇也死相踵也然或榮如升於天或辱如  
墜於淵繫於念慮操舍之間雖然是女者非特以一時能死  
爲諒也彼其平居服從君上之教而安受父母之訓靜動專  
一中志定矣以故雖遇倉卒之際而不亂夫鄂通達之州江  
漢會焉周之興也此方之男女先被其化詩曰南有喬木不  
可休息漢有游女不可求思漢之廣矣不可永思江之永矣  
不可方思蓋女雖閒暇而使人退聽不敢存覬欲之念男雖  
感悅而隨即自克以能復思慮之正故繫之周南是女雖不  
幸遭變然能自潔清不屈於強暴之辱又亦出於風詩江漢  
之域惜其不得如漢女之從容而徒爲召南貞信之訟是可

歎也自頃歲以來五民僑處爲吏者思擇令典以示民此祠之設一動而二義附焉使方來之人知彼柔弱之質猶能以禮自終況爲男子何忍觸情縱欲自棄於不義而婦人女子觀而化者思彼當事之變獨爲其難則凡平居修飾毋失身於苟賤乃事之易者皆可以自警云爾

鄂州張氏烈女祠堂記朝奉郎權發遣軍州事新安羅願端良撰文  
嘉熙十一年二月甲戌在江夏金石存佚考

觀頤視履四大字

存正書在衢州

觀頤視履

觀頤視履四大字  
嘉熙乙巳仲□趙不迹爲潘□書  
蕪春

三角佳山京宗瑞上石  
金石錄按四字新水志以爲趙不迹書衢州志以爲潘震書實則

趙爲潘作也不述宋太宗六世孫漢王元佐之五世孫贈通奉大夫見宋史宗室表太宗與太祖魏王諸子本同德字太平興國八年乃易已子德字爲元太祖德字下曰惟從世合子伯顏希與孟由十二派魏王德字下曰允宗仲士下善汝崇必良友十二派魏王德字下曰承克叔之公彦夫時若熙次十二派蓋太祖太宗魏王子孫并極繁衍支子時下各以一字別其昭穆云

### 醉吟窩銘

依據大志錄入

大江之濱巉巖百尺有卷斯阿綽乎容席隱者盤旋賓筵憩

息真樂攸生用勒於石開熙十二年四月建安李初度銘

醉吟窩銘瑤山江上古有隱君子居之石上勒此銘大治縣志

### 加封濟英王勅

存正書在當陽關廟

生立大節與天地以並傳沒爲神明亙古今而不朽荆門軍

常陽列神壯繆義勇武安王名著史冊功存生民一方所依  
千載如在凡有禱於水旱雨暘之際若或見於烹蒿悽愴之  
間英烈巖巖可畏而仰廟貌奕奕雖遠益新爰啓王封仍加  
美號豈特顯爾威德之盛亦以慰此邦父老之情尙祈靈助  
服我休顯可特封壯繆義勇武安英濟王奉勅如右牒行  
宣  
熙十五年十一月二十一日

加封英濟王勅正書宣熙十五年碑尙存

金石存  
佚考

### 江陵府修城記

佚據水心  
集錄入

太原閻公治江陵始至與將佐行視新城壁及戰守之具曰  
美哉丞相衛國趙公之所爲也公莅荆六年不趣令暴興簡  
細細苛壹於無事繁楚邦保障是急詭大力難爰集茲緒卒

有功庸爲方鎮首家銘史冊書法舉焉而公弗命故無記者  
將何以昭丞相之勤久荆人之思某實受任代公其無泯缺  
之懼既乃謂某子以謀議名官記子職也始江陵息靖康之  
難伐焚蘆逐虎豹四招流民重立坊市垂五十載漸還故初  
惟城朽敗日甚毀垣頽塹莫補莫續驢馬之馱可徑門關之  
闔不楔也前後守者以役眾費廣不敢有意至言羅郭無用  
纔葺子城可矣人苟其居不自顧必朝廷患之令都副統制  
總領錢糧講修築之政安撫使不得預議久不決趙公聞而  
歎曰郡守號稱專城近制仍提督修城今將修江陵而帥守  
不預非法意也遂具爲奏且合他司固請詔許焉錢二十五  
萬貫米四萬石皆從中下役以江陵鄂州駐劄之兵佐以郡  
府之義勇趙公日出城上以勸勞之始於淳熙十二年九月



成於十三年七月爲塼城二十一里樓櫓戰棚之屋一千三  
間浚隍池繚甬道備凡捍禦器械之用然後江陵之人更門  
益宅早臥而晏起四方之來者驚其厚墉崇雉巋然於長江  
大陂廣野之中環城以騁登樓而望知其跨江北連襄沔莫  
不慨然思憑國威而壯戎守也天子遷趙公金紫光祿大夫  
以寵褒之孟子論高城深池之利不如人和蓋先治其城郭  
者乃諸侯郡守之常政爾其後吏慢因循以爲幸其人之和  
輯可以坐鎮何必殫財動眾以新無益之城壘及變故起於  
倉卒則雖有堯舜之民不能以自休此明主之所鑒也至尊  
壽皇聖帝順天從時不輕試征伐自淮南至京以西數千里  
險害之地皆特使將軍城之州縣主給期會而已獨江陵爲  
後而趙公嘗相天子知上意因力以請然則問公之欲記豈

獨以明趙公之績哉所以示聖皇壽帝之規烈使臣子不敢  
忘也趙公名雄爲右丞相去江陵而判其鄉資州閬公名意  
舒爲吏部侍郎待制龍圖閣其繼趙公自漢中徙焉紹熙元  
年八月二十日

江陵府修城記葉適撰紹熙元年在江陵

金石存  
佚考

德安府應城縣上蔡謝先生祠記

佚據朱子大  
全集錄入

應城縣上蔡謝先生之祠今縣令建安劉炳之所爲也先生  
名良佐字顯道學於河南程夫子兄弟之門初頗以賅洽自  
多講貫之間旁引傳記至或終篇成誦夫子笑曰子可謂玩  
物喪志矣先生聞之爽然自失面熱汗下若無所容乃盡棄  
其所學而學焉然其爲人英果明決強力不倦克己復禮日

有程課夫子蓋嘗許其有切問近思之功所著論語說及門人所記遺語皆行於世如以生意論仁以實理論誠以常惺論敬以求是論窮理其命理皆精當而直指窮理居敬爲入德之門則於夫子教人之法又最爲得其綱領建中靖國中詔對不合得官書局後復轉徙州縣沈淪卑冗以沒其身而處之浩然未嘗少挫中間嘗守是邑南陽胡文定公以典學使者行部過之不敢問以職事輒因紹介請以弟子禮見入門見吏卒植立庭中如土木偶人肅然起敬遂稟學焉其同時及門之士亦皆稱其言論闢辟善啓發人今讀其書尙可想見也然先生之沒游公定夫先生實識其墓而喪亂之餘兩家文字皆不可見應城寇暴尤劇莽爲邱墟其條教設施固無復有傳者劉君之來訪其遺跡僅得題詠畱刻數十字

而已爲之慨然永歎以爲先生之遺烈不建於此邦後之君子不得不任其責於是旣新其學乃卽講堂之東偏設位而祠焉千里致書求文以記熹自少時忘意爲學卽賴先生之言以發其趣而平生行事又皆高邁卓絕使人興起衰病淒落孱然常懼其一旦泯沒而無傳也劉君之詣乃適有會於予心者于是不辭而記之如此以示其學者云紹熙辛亥冬十月丙子朔旦新安朱熹記

德安府應城縣上蔡謝先生祠記朱子撰紹熙二年十月

金石存佚考

### 重興巖頭寺記

未見

重興巖頭寺記舒琬撰紹熙二年立

崇陽志

黃州學二程先生祠記

扶錄朱子大全集錄入

齊安在江淮間最爲窮僻而國朝以來名卿賢大夫多辱居之如王翰林韓忠獻公蘇文忠公邦人至今樂稱而於蘇氏尤致詳焉至於河南兩程夫子則亦生於此邦而未有能道之者何哉蓋王公之文章韓公之勲業皆以震耀于一時而其議論氣節卓犖尤足以驚動世俗之耳目則又莫若蘇公之爲盛也若程夫子則其事業湮鬱既不得以表於當年文詞平淡又不足以夸於後世獨其道學之妙有不可誣者而又非知德者莫能知之此其遺跡所以不能無顯晦之殊亦其理勢之宜然也蓋天聖中洛人大中大夫程公珦初任爲黃陂尉秩滿不能去而遂家焉實以明道元年壬申生

子曰顓字伯隨又以明年癸酉生子曰頤字正叔其後十有  
餘年當慶曆丙戌丁亥之間攝貳南安乃得獄掾春陵周公  
惇頤而與之遊於是二子因受學焉而慨然始有求道之志  
既乃得夫孔孟以來不傳之緒於遺經遂以其學爲諸儒倡  
則今所謂明道先生伊川先生是也先生之學以大學論語  
中庸孟子爲標指而達於六經使人讀書窮理以誠其意正  
其心修其身而自家而國以及於天下其道坦而明其說簡  
而通其行端而實是將有以振百代之沈迷而內之聖賢之  
域其視一時之事業詞章議論氣節所繫孰爲輕重所施孰  
爲短長當有能辨之者而世非徒不之好也甚者乃或目以  
道學之邪氣而必誦蔑於斯時也苟無遭其伐木而削跡焉  
斯已幸矣尙何望於其餘哉今太守李府君侯乃能原念本

始追誦遺烈立二夫子之祀於學宮於以風厲其人而作興之非其自信之篤而不以世俗之趣舍動其心其孰能與於此李侯名誥字誠之其爲此邦勤事愛民固多可紀特於此舉尤足以見其趣操之不凡而非眾人所能及是以因其請記而具論之不凡以告來者使有考焉紹興三年秋九月戊子後學新安朱熹記

黃州州學二程先生祠記朱子撰紹熙三年

金石存佚考

蒙泉二大字

存正書在荆門州

紹興壬子鄱陽張垓書

蒙泉

十月旦日臨川陸九淵立

蒙泉張垓正書紹興壬子十月旦日湖北荊門州

寰宇訪碑錄

馬案石碣石高七尺寬四尺四寸鐫蒙泉二字字徑三尺  
前題紹興壬子鄱陽張垓書後題十月旦日臨川陸九淵  
立案宋史陸九淵傳光宗卽位差知荊門軍嘗講學於象  
山因以爲號其時京南觀察使張垓行部至荊大書蒙泉  
二字子靜刻諸石者又嘉定間東平劉無欲篆鐫蒙卦於  
崖石今無存矣又黃魯直書蒙泉二大字久失明萬厯間  
知州富順阮上卿重摹勒石與黃一元書蒙泉碑二字碑  
分列張垓所書蒙泉碣左右上覆以亭亭前有池卽蒙泉  
也源在象山之麓從石罅湧出成渠環城三面至東門北  
流宋熙寧中翰林學士彭乘知軍事於蒙泉北析爲三沼  
並引至竹坡河東注於漢水入江此水亦水經注所未載



并及之

湖北金石詩注 按 紹熙或作紹興非是

# 噴玉亭記

存正書在 荆門州

蒙泉極湖陰之勝自唐李德裕以下前題後詠實在崖壁類以毓金蓮產珠玉與泉之清泚爲美自方沼而南泉微西行有亭跨其上古柳在旁勢若臥龍泉緣沼以出瀉爲曲澗徐折而東惜未有表而出之者紹熙壬子八月鄱陽張垓衣繡行屬部至是慨然歎曰蒙泉佳處獨在是耳渟爲泓溢爲沼孰處無之非遇風號雷厲霜飛雪捲亡以見其奇邇命工增置其亭環以巧石徙巨石屹立中流以助洶湧泉益有聲終日潺潺如在三峽之上石間奔迫激射宛若噴玉於是以噴玉名亭且親灑刻石又從而詩之與郡守陸九淵夜坐亭上

林木旣靜水聲愈清顧陸公曰不如是亡以見金聲玉振之意是夕不雨而水遽溢非公有以發泉石之秘而山靈亦爲懌豫邪自是驟增佳致來觀者益眾憑闌臨流神思蕭爽久而忘歸日薄西山暝色入座舉杯以邀明月竹影零亂水月相照寒光逼人不覺身在冰壺中矣噫石之景亙古猶今昔人不知領略則若背馳而不相親今自公表而出之泉鳴谷響沫飛濤湧無非奇趣蒙泉諸景孰勝於是哉公襲吳園先生之後凡事綽有渠燠澹然不以聲勢自居單車行道從者無譁田野間值父老輒下車問疾苦遇佳山水處且行且詠以醕景物暮宿郵亭率然燈觀書至夜分乃寐平居以誠信自持有禱輒應時秋雨妨農收默禱於蒙泉玉泉隨卽開霽所至多平反不動聲色而閩郡清肅又能從容指顧其題品

及于泉石與夫仗鉞持斧之威擊搏摧裂所過搔動者氣象固不侔矣是不可以不書公名垓字伯信

噴玉亭記長林令汪振撰紹熙三年在荆門州

金石存佚考

鄂州州學稽古閣記

存 國朝嘉慶十七年重立

人之有是身也則必有是心有是心也則必有是理若仁義禮智之爲體惻隱羞惡恭敬是非之爲用是則人皆有之而非由外鑠我也然聖人之所以教不使學者收視反聽一以反求諸心爲事而必曰興於詩立於禮成於樂又曰博學審問謹思明辨而力行之何哉蓋理雖在我而或蔽於氣稟物欲之私則不能以自見學雖在外然皆所以講乎此理之實及其浹洽貫通而自得之則又初無內外精粗之別也世變

俗衰士不知學挾策讀書者既不過於誇多鬪靡以爲利祿之計其有利於己者又直以爲可以取足於心而無事於外求也是以墮於佛老空虛之邪見而於義理之正法度之詳有不察焉其幸而或知理之在我與夫學之不可以不講者則又不知循序致詳虛心一意從容以會乎在我之本然是以急遽淺迫終已不能浹洽而貫通也嗚呼是豈學之果不可爲書之果不可讀而古先聖賢所以垂世立教者果無益於後來也哉道之不明其可歎矣鄂州州學教授許君中應旣新其學之大門而因建閣於其上積藏紹興石經兩朝宸翰以爲寶鎮又取板本九經諸史百代之書列寘其旁不足則使人以幣請於京師之學官使其學者討論誦說得以饜飫而開發焉其役始於紹熙辛亥之冬而訖於明年之夏其

費亡慮三百萬而取諸廩士之贏者蓋三之一其餘則太守  
煥章閣待制陳公居仁轉運判官薛侯叔似實資之而總卿  
詹侯體仁戎帥張侯詔亦揮金以相焉旣成因子之友蔡君  
元定以來請曰願有記也予雅聞許君之學蓋有志於爲已  
而意其所以學者亦曰取足於心而已矣今以是舉觀之則  
見其所以誨人者甚平且實然後知其所以自爲者不以泯  
心思滅聞見爲極學之歸也因爲之記其本末而並推近世  
所以爲學讀書之病詰其刻焉以告登此閣而讀此書者使  
姑無溺于俗學之下流無迷於異端之捷徑則於禮之在我  
者庶乎有以深求而自得之矣道之不明豈足患哉四年癸  
丑九月甲子朔旦新安朱熹記

鄂州學稽古閣記朱子撰紹熙四年碑久佚嘉慶十七

年湖督馬慧裕重書敎授熊士鵬立按朱子續集有答蔡季通一條云閣記不敢辭但恐病中意思昏慣未必能及許敎未替時了得耳向見薛象先盛稱其人今讀其書乃知講於陸氏之學近年此說流行後生好資質者皆爲所擔閣壞了甚可歎也是歲文公年六十四而陸子靜已於去冬十二月卒于荆門軍矣錄附記後用以知立言之謹衛道之嚴而朱陸早異晚同之說爲誤誣而失實也

金石存佚

### 洪山磨崖

存正書  
在江夏

山固多嘉木由翦伐無時使不得蕃息以軍營視此實爲主山乃禁樵採封植養護則大者挺然干霄小者叢生攢立矣

因卽山之陽得勝處偶拾餘材架屋爲閣榜曰東巖取其石  
秀而木茂者又得數所曰雲根雲扃伏仙飛雪棲霞半霄清  
嘯爽塏若巉巖翠屏堆雲獅子峰此又狀其名而名之也奕  
局琴几石鼓筆牀因其天成粗加斲削循山之巔至黃鵠亭  
仍夾道蒔松俾異時交柯結蔭與東巖相爲表裏後之來者  
願不以人廢閣成於慶元初載重午日將右軍河陽趙清  
老謹識

洪山摩崖慶元元年趙清識康熙癸酉邑人王以寧登眺

洪山浣別積辭得之

金石存佚考

趙清詩字跋

存正書  
在江夏

壽

隸書

有士大夫政和甲午歲游獄見五華洞石壁上有壽字體法

不凡人莫

能識

乃以千錢

募工人得紙本以歸因刻石以傳

世新定趙

史

茂

嘉復模

于

郡齋

區偶得之不敢藏於家刊

諸東巖石

上期與好事者共

之慶元元年乙卯歲中秋日河

陽趙潛謹跋

壽字跋趙潛磨崖書慶元元年在寶通寺後嘉慶己巳偕

門人劉自堂剔辭得之

金石存佚考

按近人刊一泉字於跋上存不數字乃錄存佚考文

以證俗人不知寶貴舊刻殊可歎也

象山慶元題名

存正書在

荆門州

□□□□□自□過荆道出玉州訪蒙惠二泉約米□森張



三

方□恍然□我飛來令泉之上信可洗心也行邁汲汲三歎而□諸石時慶元初元仲冬十有八日

象山題名慶元元年在荆門州金石有快考

馬案有宋慶元元年磨崖題名行書八行行七八字不等現存五十一字因第一行磨滅失題人姓氏其所約米張二人亦無考在荆門城西惠泉亭後石壁湖北金石詩注

程九萬詩并記

存正書在襄陽

□□山舊有陽廣洞壺天閣戎帥新加葺修復搜抉兩旁之秀爲棲霞爲嘯月爲琴几基亭盡發茲山之秘旣成約漕及余來觀相與歎賞久之獨恨未能引泉耳戎帥欲余語因成五十六字附行記并題崖壁帥守池陽程九萬鵬飛書漕桐

鄉朱致知仲格戎帥河陽趙瀄清老云時慶元丁巳端午日  
其詩曰蒼巖絕頂俯川佳處潛開小洞天琴几綦臺誰是  
伴霞樓月嘯恍如仙□山□□□多石□□□□引泉獨  
取懸崖□□□□已自□燕然

峴石寺摩崖知襄陽府程九萬書舊府志稱峴石寺後有  
棲霞洞嘯月亭然不言始自何代與夫作者姓名搨得摩  
崖書乃始悉其始末程九萬以慶元二年募工修築鄧城  
永豐堰見宋史河渠志其所謂漕者謂運使也乾道八年  
湖北京西轉運置司襄陽見韓世忠傳趙瀄以開禧二年  
兼知襄陽府事蹟見趙萬年襄陽守城錄其稱戎帥意是  
時但爲都統與舊志職官并遺此三人失考

金石存佚考

望楚山程九萬等題名

存正書  
在襄陽

池陽程鵬飛河陽趙清老慶元丁巳重九日同來

池陽程鵬飛題名慶元丁巳重九在望楚山摩崖金石錄

楚崖二大字

存

楚崖

楚崖二大字亦趙清老刻附於慶元間金石錄

程九萬修大隄記

存正書  
在襄陽

襄陽自昔有大隄迴環重複逾四十里歲久不繕日就隳削  
慶元丁巳秋七月漢水暴至隄不沒者纔一二尺由罅漏而  
入者數十處未幾水平安撫徽猷程公用是力請於朝願增

築之且屬都統領趙公專總是役十二月命下卽相與選  
□鳩工度材計□□□經始於明年正月八日丙午訖事  
於二月二十八日丙申凡用工一十五萬有奇□公欽承上  
旨日往程督口授手畫拊勉勞來而□公復與□軍□中計  
公時加□□故士卒樂爲用□□□□曰前此□□□  
□以隄防□□□□其廣□□□□重城吾□□□  
□□矣□□□□成之日饗□□□□董二官□□□□  
兵馬鈴轄□□□□王享王□□□□黃隆范選□□□  
□王欽覃忠□□□計議官陳謙□以紀歲月□□□□  
始末□

慶元四年摩崖凡四十行行八字後十八行在襄陽南三  
里山麓石理皴裂行缺三四字或五六字以志修隄歲月

卽今所謂救生土隄者也宋史河渠志淳熙八年襄陽守臣郭杲築救生隄爲二牖一通於江一達於淥水涸時道之入淥水漲時放之於江至是已十六年復增築之舊志遺而不錄殆搜采所未及與金石存佚考  
按慶元丁巳安撫徽猷程公卽池陽程九萬都統領衛趙公卽趙潛也

南烏崖三字

存篆書在黃梅縣

大宋慶元四年夏小山沈百藥書

南烏崖

里人王仲瑱觀落筆僧了口立石

馬案右摩崖南烏崖三大字字徑一尺八寸左題大宋慶元四年夏小山沈百藥書右題里人王仲瑄觀落筆僧了口刻石俱篆書沈百藥無考王仲瑄登崇寧二年癸未進士官翰林學士見縣志黃梅縣東北五十里卽南山也錢辛楣先生云慶元四年距崇寧九十餘歲必非一人恐縣志誤爾湖北金石詩注

趙瀄野祭題名

存行書在襄陽

慶元己未寒食日率兵

將官

以下徧祭戰歿將士于巖亭之

野酌酒焚幣禮成而去清明日復攜家來此遙睇松楸用

修時祀河陽趙瀄題

按右趙瀄野祭題名在襄陽縣南三里山麓瀄字清老望楚山洪山均有其題

名

封鄂州江夏縣八分山靈濟廟嘉澤顯應侯勅

存正書  
在江夏

朕感雲漢之詩軫懷亢旱推桑林之禱徧及羣神凡有感通  
率多表異騰彼蟠龍之窟實依飛錫之泉時需甘霖以起焦  
槁蘇千里更生之意慰九重念遠之憂宜載錫於微稱用申  
加於寵命尙靳□燕益暢靈休可特封嘉澤顯應靈惠侯

飛錫泉在八分山昔駱禪師飛錫騰至泉所因建道場雖

久旱甚雨泉無盈涸

明統志

封鄂州江夏縣八分山靈濟廟嘉澤顯應侯勅慶元六年

十二月在江夏縣東南五十里

金石存  
佚考

勅後記

存正書

鄂州江夏縣八分山有龍潭焉自唐貞觀以靈建祠屢禱屢  
應崇寧癸未耆老請於郡聞於朝錫廟號曰靈濟厥後歲鮮  
饑僅一方德之清熙丁未始封嘉澤侯紹熙癸未再加顯應  
二字慶元庚申夏旱詔郡國精禱尙書郎總軍饒林公□□  
□攝州事奉命虔祝□蒙感格大霈甘霖四郊霑足遂成有  
年卽勾加爵復增靈惠爲□□綸言表異寵渥載新□□神  
休千里懽□壽諸樂石用詔方來越明年嘉泰春三月

勅後記無書撰人名氏嘉泰元年

金石存  
佚考

### 新賢祠記

存分書在  
應山縣

歲慶元上章渚灘□□□月□大呂元英將歸餘日惟五  
有一力自應山□者令君所遣人也手把歐文忠連處士墓



述張右史四賢堂記二碑軸與書而三書之言曰本朝二宋  
二連公皆應山一時人舊有祠於法興僧舍西廡石史所記  
□枉然□□隘庠像設亦寢漫漶不圭竊懼弗可更久相地  
於寺之西南隅築遷焉今既閱歲念有以諗來者子雅故幸  
有述焉以遺之僕惟繕治緝飾之事今之君子□力於斯者  
志之所致未必皆出愛人樂善之誠心有釣於其間多矣釣  
必有餌以其□爲餌僕以故□不喜聞況使刻畫侈張之不  
惟不敢亦不暇若令君僕知之篤□而文在官嚴於自律不  
表暴不巧求取衍衍然□君子也斯堂之□□非釣具而四  
公寂寂□非爲可餌者固僕所喜聞而樂道與平時持以待  
人者有間矣於是爲之詩詩曰

猗歟四公棠棣之華秀萃一時茂興兩家宋公翩翩鄂不相

鮮九萬里風背負青天連公辰契淵冰激結達而蹇躓砥礪  
其節其光惟惟追維平生法興是儀邑人口思右史之詞雨  
箔風楹歲環幾經築口持室口口令君令君勤民民燕其德  
振滯補弊此焉居一口時四公序集其口生氣津津冠佩有  
光口之爲政崇德尙賢居今篤古令君有焉君系隴西紹祖  
惟名巖起作詩用輯和聲敢告無止勿替其口嘉泰改元仲  
春月二十三日立石

馬案右碑八分書額殘闕存山縣新賢堂記二行六篆字  
題口奉郎口口領建康府戶部口軍口庫所主管文字賜  
緋魚袋湯巖起撰并書碑文十五行行三十一行字字徑  
八分末行題嘉泰改元仲春廿三日立石十一字此碑與  
前宣和五年所立四賢堂記碑同埋城南土壤中紹基訪

得之俱移置於應山縣學賢良祠內

湖北金石詩注

新祠應山令李紹祖所建文中不舉其姓名而於詩見之

蓋亦所謂簡而有法者

金石考

### 隍城義塚記

在正書山

余少從軍往來襄漢每見隍城寺西山石特異徘徊登覽疑有佳處紹熙壬子治兵越郢縱步山間多崑盤旋寬若空居內有小穴窾以塊石去石俯入乃一大洞虛明秀潤可容數百人今使君王公之邁榜以壺天遊者誇勝寺僧紹洪於其側搜剔叢翳得小洞三中多遺骸因而有感遂開鉏大洞中尤不可勝計詢之父老以爲建炎初羣盜蜂起以人爲食壓掠吾民貯之洞中饑餓枕籍而斃嘉泰辛酉冬余被旨視邊

道經隍城洪具以告因命洪聚殖高原名以義塚捐俸命僧  
誦經施戒庶幾各俾獲遂生化嗚呼吾國家愛惜民命如護  
元氣不忍一毫重傷之豈意遭時異變而無辜民魚肉於羣  
盜之手可不痛哉想夫風雨晦暝霜露慘淒驚魂悸魄出沒  
窟穴無所歸宿繼今以往所謂依草木以爲形象狐狸以爲  
怪者當不復有矣然義塚之立蓋傷其無辜之意非曰作緣  
事以徼福云是歲十二月記

隍城義塚記趙酒撰嘉泰元年十二月在京山縣

金石存佚考

楊輔等□楚巖題記

存行書  
在襄陽

嘉泰二年重陽日郡太守楊輔嗣勦轉運使蒲叔獻勉道都  
統制毛致通亮之曉登漢皋□楚巖晚飲洞前東望鹿門西

俯紫蓋諸峰漢水繞出其左右撫昔人之遺跡知茲游之為

勝絕也按楊輔等題記在襄陽南三里山之王蟠洞未見著錄陽輔史有傳字羽劾遂園人乾道二年進士甲科

官至建康府兼江淮制置使趙鼎忠史言以顯謨閣待制知江陵府移襄陽而不詳何年同勅嘉泰元年上泉寺題名云

余守江陵之四年徙襄陽是其知江陵在慶元四年徙襄陽

在嘉泰元年也滿叔獻南都人舉進士為成都曹百姓敬曰

運使姓蒲民力可蘇召為宗正卿韓侂胄用事送請去時論

偉之見萬姓統諸侂胄用事在開禧間其為湖北轉運使當

任希夷詩

未見

任希夷詩嘉泰癸亥上元日吏隱齋書崇陽志

興國新建軍學門隄記

存正書  
在興國

迪功郎軍學教授聞人謨撰

奉議郎知隆興府新建縣主管勸農營田公事賜緋  
魚袋桂如箴書

修職郎前黔州□□參軍□□□篆額

興國學宮徙於城西自乾道庚寅始也然古剎障前氣象阨  
塞而廟學共爲一門往來憧憧弗敬弗肅非所以明制度示  
觀瞻又學之路舊并民居旣迂且狹負笈之士未免循牆而  
趨蓋越四十稔而莫能易也大理丞虞公爲治之明年政成  
人和年穀再登事無大小次第畢舉一日冀謁願謂模曰教  
化者風俗之機學校者教化之源茲郡守之先務今路之與  
門士久以爲病可不釐而正之乎卽日捐粟於廩出金於帑  
命模庀事督工由殿而廡傾圯者興漫漶者飾於是相厥陰  
陽度幾宇之宜而爲門復出公田易浮屠之地以爲隄門之

爲屋三間修三尋廣如之崇二尋一仞隄之爲路袤八十步  
廣三步一仞命工以庸值役力以農隙民不告勞官不耗用  
皆成於公經畫之妙而得於公撙費之餘偉哉門隄之成也  
面揖三峰下瞰平湖植柳蒔蓮左右映帶見者改觀方領矩  
步委蛇其中者莫不歎昔謀之難而今成之易也合辭而進  
曰是僞功美績有待而成願有以壽其傳庶足以侈虞先生  
莫大之德予告之曰輪奐之美版築之工是特外觀云耳若  
乃漱芳潤挹菁華培植乎內心之學者盍知所自勉乎故凡  
出入是門由行是路者當思所以閑放心距非念屏紛華之  
好趨正大之學宮庭可守而戶牖不可開正途可趨而邪徑  
不可蹈由是而升堂入室由是而舞雩詠歸則千載之下洙  
泗遺風凜然不墜是邦侯之所望於爾士爾士無負於邦侯

者將於此乎見矣嗟夫士習之勤惰固繫乎學校之興衰學校之興衰又繫乎郡政之修廢今兩役甫成近而屬邑遠而旁郡之士皆于于然而來嗣茲以往儒風日盛人才輩出邦侯興學之功德久而不磨矣諸生請誌於予敢撫其實而勒諸石馬公名旂孫太師忠肅雍國公之哲享也嘉定七年四月旦日

興國新建軍學門隄記迪功郎軍學教授閩人謨撰奉議郎知新建縣主管勸農營田公事賜緋魚袋桂如箴書修職郎前黔州□□參軍

姓名缺

篆額在興國州學

金石存佚考

蘄州惠民倉記

佚據西山集錄入

嘉定某年某月金華李公守蘄如始至曰城郭完乎有司以



圯告則命繕而新之凡若干丈尺又曰城完矣兵械具乎有司以乏告則命爲某器若干某器若干旣又曰吾城堅而械良於守易矣無其人可乎則舉凡兵之在籍者寓于塾者教之率以法期年士咸就律公曰可矣猶未也夫守恃兵兵恃民民恃食故食民之大命也邊之首政也蘄故號沃壤中興以來流痛未盡復荒茆未盡治歲所出不能當中州一大縣而輸于公家者財萬斛焉以廩吾民且不給設不幸有旱溢之蓄蟲螟之孽其奚以相恤哉予爲二千石于此而奉養齎於斗食吏非矯也重民之脂膏不忍褻而用也覬圭勺之贏還以遺吾甿也時會而月記之泉之在官者屢有餘歲幸比登粟之在民者亦僅有餘以其餘於官者易其餘於民者不幸告儉則以藏之官者復散之民此備豫之善畫也迺簡僚

吏之村者位厥事凡樂售者優其直予之未幾得粟爲萬石者二糜錢緡若干萬千百有奇築屋若干楹以謹其出納命之曰惠民倉著公志也夫民食足然後有固心人心固然後可冀以死守昔者孟子談王道於戰國皆是物也彼爭地爭城之將縱橫馳說之士未有不哂其迂卒之莫能易者蓋民弗自安而欲與俱危不恤其生而欲責之死無是道也公之學醇以深其氣剛以大蓋淵源乎孟氏者故其治邊之政大抵以保民爲本是倉特其一爾始倉之成公旣以告于朝下部使者覈其實又書來命某識之其欲以諭後人俾勿廢乎予謂使繼至者有公之心雖無識焉可也不然則金版玉書猶弗足紀恃此以存難哉雖然仁人心也人心不可泯則是倉不可廢姑識之庶異時有考云公名某字茂欽十三年夏

五月辛卯朝散大夫集英殿修撰發遣隆興府主管江南西路安撫司公事馬步軍都總管真某記

蘄州惠民倉記真德秀撰嘉定十三年正月

金石存佚考

鄂州重修北榭記

未見據金石存佚考錄人

鄂渚之勝以南樓北榭並稱南樓繇元祐改作元符末修水黃公魯直嘗見於題詠惟北榭在子城之巔在郡公堂之後不知自何時建立乾道中于湖張安國爲大書扁榜厥後達官名人稍有爲賦詩者然距今亦五十餘載矣棟宇隘庳日就圯廢莫或顧省一夕大風震蕩摧屋山飄瓦如墜葉舞空屋隨以傾壓不可復支子城亦久弗治土石墮隤榛莽蒙翳狐狸所窟虺蜴所蟠於是昉議更葺先增壁北隅袤二施崇

三丈有奇南袤尋有半崇與北等遂改建榭屋闢而大之敗  
楹腐桷悉易以新既成宏敞翬翼與南樓巖然相望始於一  
郡而勢爲稱雖其高無所不矚而北望爲尤宜嘗試相與憑  
檻遐睎則煙沙蒼茫天水無際西陵卹杜安陸諸山隱隱出  
沒雲外雲夢之泱泱漢河之滌迴皆可目略而指喻羣鴻匹  
鶴飛翔上下平蕪斷浦杳杳如髮暇日尙羊不涉級數十武  
而坐得千里絕特之觀殆前所未有也惟漢江夏太守所統  
疆域至遠今光黃蘄安信五郡之地皆故屬邑春秋時吳楚  
交戰出師往來之地水如清發沮瀝山如內方大小別雖邱  
邑變遷而勢勝猶在與夫孫伯符之所討擊周公瑾之所摧  
敗陶士衡之所平殄其遺跡猶可諏訪而考求邾城臨江故  
堞宛然嘗笑其規橈特淺淺耳庾元規志矯才輕亦弗克有

成三關九阨之塞魏梁交攻或得或弃南北強弱係焉以見  
昔人爭戰之力不爲無意夫以地之相距雖有數百里之遠  
而據其要會實皆在吾環顧規置卷舒伸縮之中況郡居全  
楚上游與江陵襄陽實相爲表裏諸葛忠武嘗欲舉荊州之  
軍以出宛洛公瑾亦謂據襄陽以蹴操北方可圖二人之言  
若合符節而宋何尙之顧言夏口當荆江之中直通雍梁實  
爲津要豈非以地勢使兵力接故邪抑嘗據此論之若背自  
南而圖北則易爲功自北而入南則難爲力故梁末因陸法  
和之敗郡雖暫屬高齊慕容儼死守半歲雖拒退侯瑱等然  
卒棄之還南五季杜洪襲據州城遙附朱梁以捍淮南之侵  
朱梁三遣兵援之皆至近地然無救於洪汭爲淮南將劉存  
所克身殞國絕豈天塹之設果足以限南北邪抑或彼或此

亦在乎人之圖回智略如何耳夫惟俊傑之士有志於當世  
要必剖論之素精計慮之素熟異時行遊坐息朝思夕維未  
嘗不枉于此故一旦發而見諸施爲則必卓偉絕人非臨事  
隨應率意而爲之者所可及傳曰登高能賦可以爲大夫趙  
孟過鄭請七子皆賦以觀其志夫所謂能賦者豈徒吟詠一  
時之風景物色哉必也升高而望遠思深而謀長覽山川之  
形勝考古今之成敗究昔人謨議之得失與今日時措之宜  
其所蓄積操存因感觸而發見所賦之志於是乎在王茂宏  
新亭之感逸少冶城之諷大較亦茲意也夫是則高明其居  
處緬邈其臨眺豈但以逸其身而自適於耳目之間而已哉  
榭之廢興似無足書然余改作之意非遊觀之爲則不可不  
明著以貽後之同志者俾得以周覽而繹思焉嘉定甲申三

月丙午眉山李稟記

鄂州重修北榭記李稟撰正書嘉定十七年湖北江夏

實字

訪碑錄

馬案右碑今在黃鶴樓後斗姆閣下高五尺六寸五分寬三尺二寸額篆鄂州重修北榭之記嘉定甲申三月丙午眉山李稟記共二十五行行四十二字按陳述知楚會存書云郡署之有巍然峻起者北榭也建自宋元祐時爲僞漢陳友諒鼓鑄之所北堂居民鱗集郡守蒞政之暇偶一登臨見拮据之斯民惕然省刑減賦黃魯直有詩張安國有扁李燕復建有碑今北榭雖焚前人可念碑云鄂渚之勝以南樓北榭並稱南樓錄元祐改作元符末修水黃魯直嘗見於題詠惟北榭冠子城之顛在郡公堂之後不知

自何時建立乾道中于湖張安國爲大書扁榜厥後達官  
名人稍有爲賦詩者碑立於嘉定間當時不知何時建立  
所謂元祐改作及魯直詩俱指南樓述知所云當是因碑  
文而誤也李璣碑今亦不見疑亦是李璣之訛又案考工  
記搏埴之工二說文埴從土直黏土也璣字卽埴字之俗

錢辛楣先生云李璣璣之子

湖北金石詩注

### 御書訓飭士子碑文

存正書在興國州

朕親御路朝首興教化士風所繫尤務作新比年以來習尙  
澆漓文氣卑□純厚典實視昔歉焉豈涵養之未充抑薰陶  
之或闕咨爾訓迪之職母拘內外之殊各究乃心俾知所嚮  
矯偏適正崇雅黜浮使人皆君子之歸如古者賢才之盛副



予至意惟爾之休

御書訓飭士子文正書寶慶二年在興國州

湖北金石錄

南漳縣御書閣記

南漳書

# 南漳縣學新建御書閣記

書分

恭聞古昔盛時黨有庠鄉有校絃歌之聲蓋洋洋乎盈耳也周衰學校廢弛青衿佻達於城闕詩人譏之漢唐號善政而及於化者文翁興學於蜀私遣學者詣京齎蜀物以遺博士昌黎興學於湖自命進士趙德爲之師郡未設學况一邑乎皇朝藝祖開基五星聚奎識者以爲文明之會慶厯間詔郡皆立學邁漢越唐謫如三代之風然詔書時下郡國而雲漢

之章猶未昭回於萬里也聖上纂承丕緒作新斯文訓告丁  
區黜浮崇雅粵自首善之地繇郡若郡若縣而堯言布於天  
下矣縣或左支右吾摩挲他務聖謨普頒往往藏諸夫子廟  
登受弗專未足以奉揚休命也南漳古稱壯縣後兼中廬而  
治之承平密邇畿甸南渡以來始距行在所四千里中更開  
禧邊烽似擾稽古禮文之事多闕焉制使大學侍郎陳公選  
辟屬吏以陳君治平來令茲邑下車未幾首飾先聖先師十  
哲像且繪七十二賢於兩廡修明倫堂闢進德復禮二齋請  
沒入官田以贍生員今又從公校之堂新宸奎之閣輪奐翬  
飛過者肅敬夏五月經始冬十一月告成費錢一百一十萬  
米三千斛是舉也分閭制者體九重之意分邑寄者體十連  
之意第第相承以躋登茲繼自今肄業于學之士當知文約

於禮識先於藝宿道嚮方粹然一出於正則斯閣之建所以  
相淑者甚厚豈徒爲一學觀美而已哉君沅人也父安民擢  
乾道己丑進士有芷鄉詩文行於時君家傳其學三仕爲令  
君能以儒雅飾吏知所先後如此可尙也夫紹定三年十月  
旦迪功郎襄陽府南漳縣尉李嗣伯謹記并書進義校尉襄  
陽府南漳縣西尉兼司學糧趙申題

新建御書閣記李嗣伯撰正書紹定三年湖北南漳襄字訪碑

錄

馬案右碑高四尺六寸五分寬二尺七寸七分額分書南  
漳縣學新建御書閣記雙龍環其上及兩旁前書記記畢  
卽接書紹定三年十月旦迪功郎襄陽府南漳縣尉李嗣  
伯謹記并書進義校尉襄陽府南漳縣西尉兼司學糧趙

申題申蓋學長度時行輪巨本直學喬必大口羣口叢器  
口叔道董督役共二十二行行二十九字字徑九分中云  
制使大學侍郎陳公選辟屬吏以陳君治平令漳邑下車  
未幾卽建是閣陳沅人也父安民擢乾道己丑進士第有  
芷鄉文行於時皆具記中在南漳縣儒學湖北金石詩注  
興國州學亦有之記中所謂黜浮崇雅卽御書中語金石存佚考

### 叢蘭精舍記

存元至正中刻  
正書在江陵縣

荆南承天禪院叢蘭精舍記

荆南承天禪院叢蘭精舍記

臨川羅季能以荊州制司幕府寓治江陵卽承天院故基爲

叢蘭精舍而移書渠陽曰子爲我書之且承天院以黃太史  
重固也而叢蘭之名何居乃復以請季能曰是院也世傳爲  
晉侍中羅君章之故居也君章致仕還荆而叢蘭生於階庭  
人謂德行之感子爲我並識所以作予觀世之論君章者不  
過謂其感吳烏之夢藻思日新其譽魯直者亦曰詞人之巨  
擘耳噫張華蕭繹嘗博物矣朱异江總嘗屬文矣近世如丁  
夏呂王亦能操觚染翰而他無足云祇足爲國家妖孽則君  
子奚貴焉君章之事於史罕記其僅見者湘中之寶荆楚之  
材江左之秀耳然觀其從庾元規友謝仁祖則猶未免爲曠  
逸之士惟是桓溫氣焰赫翁公卿大臣皆卑躬屈膝惟恐後  
雖謝安石之賢也而不免君章獨以居近羈塵結茅於城西  
之小洲布衣蔬食居之晏如也他日溫大會寮吏君章雍容

末坐若有氣吞姦雄之勇以其世論之不謂賢乎黃魯直所  
遭則又有人所甚難者章惇爲政蔡卞論諸人首治吏事魯  
直坐謫黔戍凡八年僅以徽宗初政起之謫籍道出江陵爲  
承天院作浮圖記而轉運判官陳舉承望趙挺之風指又謫  
其蝗旱疾疫等因以爲幸災謗國坐徙宜陽嗚呼彼所謂卑  
躬屈膝所謂望承風指洋洋然自謂得矣朝榮暮槁糞壤同  
腐而矯矯獨立者垂芳簡策其爲蘭鞠不已多乎况君章素  
陽人也江陵特仕國耳且渚宮故事謂其厭喧嗜寂徙居城  
西三十而盛園之荊州記乃謂距城西者百餘里瞰洲爲樓  
因名羅公洲按此二記說則前後凡三遷今承天院故址或  
始居或改卜未可知也而劉明之假其宅若有見其像貌杜  
子美貽詩厥弟亦卷卷於短牆喬木之間以是知賢者所寓

雖名存實廢而隱乎斯人之心者常與所寓俱存此天理之  
真感閱千載如一日也承天塔記豫章集以其因是被禍不  
忍錄而七十三年後勒石於故居又以知士大夫正心修身  
當以千載自期苟有所好樂恐懼而不得其正祇以自過其  
躬耳矣季能名愚文恭公之子也家有蘭菊而紉芳結華於  
簡策尙友古人此其好學之誠未有窮也余故謂二賢不專  
以文藝稱亦冀季能光而大之必至於師友古之聖賢明善  
誠身而後爲學焉紹定四年□月夏□□□□□了翁  
□

大元至正七年歲次丁亥十月望日山門重立石

當寺首座□□書丹篆

當代住山天瑤

旨授 光普照 禪師前往當山□□公號天□聖

禪寺宗主□師可 主照

馬案石碑石高寬尺寸與前碑同重刻年歲亦同稍有異者黃碑十二月建此立於十月黃碑沙門士瑩書丹此碑重書丹篆四字上磨滅失名然諦觀兩碑字跡的係一人手筆其爲士瑩所書無疑碑文宋魏了翁撰于紹定四年立石不知於何時亡矣

湖北金石詩注

### 習池館記

佚據襄陽府志錄入

襄陽城北枕漢水商賈連樁列肆殷盛客至如林惟城南出關而騁長衢直道東通於日畿然傍漢數里民居鮮少士大夫息肩橐率不免下榻葦舍自嘉定寶慶後屯田旣成官吏



絡繹阡陌凡宵征而旦趨衙與朝發而暮至大隄者或假爨  
桑門之居騎走弗謹莖井陘絳縮屋而炊屢屨可厭也於是  
議者請建侯館於南關外制帥問學陳公然之命其屬尹煥  
往度地越峴凝眺適田舍謹言發城得碑將獻諸郡就跡之  
則前守習池詩也因訊池何許曰蕩于兵矣而故蹟猶在在  
白馬寺之荒圃至則崇山聯抱一水涓涓白嵒竇注于漢循  
流而上坡麓蔓衍水迴游滄洋演淪曲奇石磊塊激發琮  
佩青林媚篠蔭映光景窈乎靚沈乎清蓋殊境也而泥垣棘  
籬荒茆埋沒煥刊治而加位置焉負茲麓而面鹿門橫陳通  
川平瞰驛道於館宜先是是制府斥堠兵鋪在其東可五六  
十步俯岸嵌空鴻濤春囓雨甚則憂墊因議併徙堠鋪於新  
館之左於守館又宜歸白于公乃捐錫市地築堂二十八楹

扁曰習池爲寢舍二十有八楹扁曰懷晉浚池引泉壓以飛  
梁外繚以垣壘門臨衢扁曰習池館皆語實也椽不斲甍不  
磨節費也旣成公謂煥盡爲之記謹按習氏以鑿齒而名池  
以習氏而名山公遊焉池益以名久廢而復今又名矣噫山  
川顯晦時也世故興廢人也士習有勤惰而興廢係焉世故  
有變遷而顯晦關焉方習不競士行士雅輩運甓擊楫莖莖  
扶持季年何時願放情高逸卽涵不屑事上宇下宙夫復奚  
賴今公生聚教誨士勇而知恥民樂而懷德乃且蹙額遠慮  
晨興夜寤孜孜如羽檄交馳時吏屬受命奔走無射星言夙  
駕莫敢興從事獨賢之歎夫厭浥行露小吏事上之勤也閔  
勞敘情節以憇之上之人念下之仁也繼今而往咸仰池上  
勺之淪之濯之湘之流風千載尙可遐想公方爲國倚重勾

問水遂然一邱一壑不能忘情於太湖苕溪之上託斯池以寄興煥知公心蓋在彼而不在此也

呂池館記并煥撰無年月

金石考

梅巖大字

在漢陽

梅巖

端平丙申漢陽令趙時題

梅巖二字趙時正書端平三年湖北漢陽

寶字訪碑錄

馬案石梅巖二大字字徑三寸餘左書端平丙申右書漢

陽令趙時題在漢陽縣城內鳳栖山石壁江太常宅後漢

陽縣治亦有梅巖字係吳省欽學使爲邑令王嵩高書宋

刻實在江氏左又有鳳立二大字比梅巖字差小其四字

區分爲二縣志作以立梅巖誤

湖北金石詩注

潘校尉修石門題記

在黃安

照得口兵自紹定壬辰侵犯京湖入淮西殺戮生民擄掠牛馬至於己未丙申荆襄失守連年侵入淮西有彼近光州光山縣第三都水吉保操正將本部民修口小臺山石門以防扼守小牲畜口兵數攻不利退卹而去時歲次丁酉嘉熙元年八月終記正總轄官潘校尉

潘校尉修石門題記正書歲次丁酉嘉熙元年八月在黃

安縣了心關

湖北金石錄

按宋史理宗紀端平三年二月襄陽北軍主將王國李

伯淵焚城郭倉庫相繼降北此云荆襄失守正其時事

大安寺鐘銘

存正書院文  
江江夏縣

蒙□潮公和尚心□無志□□窳鼎新梵宇樓□大□般般  
無欠欠皆鴻鐘七寶□□尅日用工來求拙語共結因緣所  
□□□脫就幽暗皆明□□□□脚塞其意波心潮出个家  
風般般無欠欠金鐘淨心竭力功圓滿喝得金烏離海東嘉  
熙庚子七月中元漢東孟琪書

嚴案石宋嘉熙鐘高六尺五寸□徑三尺八寸二分在江  
夏縣鐵佛寺漢東郡候孟琪造鐘界爲上下二層上層記  
鑄造之由及監造官名字名缺他琪自書銜有食邑千一  
百戶食實封二百戶爲宋史琪傳所不載餘俱與傳同下  
層八行書皇風永扇等三十二字而已鐘供奉於漢陽大  
安寺者今其寺不可考明洪武末楚昭王獵於馬跑泉見

兔起肘之不見掘地得鐘因供奉於鐵佛寺卽是鐘也

見陳

是知是是鐘鑄於宋不知何時沈埋土壤中及明乃出故

著錄家都未之及也又楚王得鐘時鐘下有石羅漢二今

並在鐵佛寺湖北金石記注按此刻

### 洗劍池三大字

存正

### 洗劍池

清祐元年泰定乙丑重整

洗劍池三大字正書清祐元年泰定乙丑重整在武昌縣

西山松風閣金石存佚考

### 雪後勸農詩

未見

又一小碑上篆帥僉軍正汪判縣畱題係雪後勸農詩  
祐內午立詩凡四首其一云田畯催耕二月天野田彌望  
盡瑤田陽和畢竟難埋沒放出枝頭翠色鮮

崇陽志

### 天臺山立寨記

在黃安

勘會端平初襄漢淮西爲兵擾亂丁酉歲浮光失節守民無  
所歸彼時奮發忠赤欲立寨安眾而難得地利獨此山鼎峙  
形勢險峻四面如壁止通一人往來石竅泉湧冬夏不絕傳  
聞古人守之以無虞遂集眾在上創寨下閤備器械大勢連  
月攻打莫敢近傍由是光信殘民擁堡來依屯聚十萬眾果  
能全活戍戍丞相史嵩之都督荆湖孟珙制置差官旌賞請  
總眾防擴江西授命加職連歲捍守獲捷嘉祐三年義陽李

太守知黃州麻城民戶復業檢校本職先守茲寨有功遂檢  
再往經理九村捍禦五關自入寨究心措置收拾草莽間逃  
難者於江南乃載種分布耕養每年寇犯境勦殺敗退前後  
擒大頭目回回漢子無數下闕都制楊將軍芮御帶鄭太杜  
提舉黃州守備申明首賞下闕陞推委令白石黑石三角山  
木蘭洞獅子崖王下闕峰德勝長興齊安十寨一民無遺況  
所都部將士皆是隨棗光信安豐之民數載久擾誓欲掃除  
以下闕 閃道聚龍興下闕開龍井造聖殿下闕凡與同盟頗  
立勞効曲求妄薦圖立大功亦可爲今日之大義則一時之  
盛事也可不勒石以紀其名使後人知之不沒世哉皇帝宋  
道祐戊申五月旦日黃州下闕元義民總黃陂縣尉提督光  
黃諸山寨本山駐劄下闕胡大興刻石司帳前統制余下闕



天臺山立寨記正書  
隋祐八年在黃安縣北八十里此卽  
耿尙書天臺山記所云息緣之名乃尙書萬厯甲戌所題  
非舊有此名也丁酉歲浮光失守係嘉熙元年事見宋史  
理宗紀及元史太宗紀史嵩之都督京湖孟珙制置係嘉  
熙二年事其勒石則隋祐之八年也尙書未及詳考但以  
爲紀端平時事而名勝志因之遂以此爲端平所鐫胥失  
之矣

金石存  
佚考

### 李曾伯紀功銘

存正書在  
襄陽縣

大宋隋祐十一年四月二十七日京湖制置使李曾伯奉  
天子命調都統高達幕府王登提兵復襄樊兩城越三年正  
月元日銘于峴其銘曰壯哉峴 脊南北 緊壙壑 幾陵

谷 乾能夫 剝斯復 千萬年 屏吾國

馬案石銘文云宋高宗十一年四月二十有七京湖制置使李曾伯奉天子命調都統高達幕府王登提兵復襄樊兩城越三年正月元日銘□峴其銘曰壯哉峴脊南北繫塘壑幾陵谷乾能夫剝斯復千萬年斯五□共七十一字自宋寶祐元年至今五百餘年廟闕末一字爲宋碑中所難得者也按宋史嘉熙三年正月劉全復襄樊及端平三年襄陽主將王昀李伯淵等焚城郭倉庫相繼降北襄樊陷敵凡十六年而後復理宗紀載陷祐十一年十一月丙申京湖制司表都統高達等復襄樊詔立功將士三萬二千七百有二人各官一轉以緡錢三百五十萬犒師是功爲李曾伯表上而史失載又幕府王登與達同功而無其

名皆藉是碑以補正之也

湖北金石詩注

按末句馬紹

字隋模桐日齊屏作斯吾作五均誤存佚考屏字不誤吾

仿作五年宋史理宗本紀疏祐十一年十一月丙申京湖

轉議耳按宋史理宗本紀疏祐十一年十一月丙申京湖

奏間復襄樊功都統高遠以下將士三萬二千七百各

官一轉犒餉錢三百五十萬收復在四月奏聞賞功在十

一月史據開書之也考曾伯玉登史俱有傳曾伯字長

孺曾侯人後居嘉興靜江府廣西經略使權兵部尚書

六年放歸田里九年赴京調安撫制置使知江陵府兼湖

轉運使進徽郡學士京調安撫制置使知江陵府兼湖

廣總領兼京湖屯田使進龍圖閣學士疏言襄陽新復之

地城池驛修浚田野未加闢墾學士疏言襄陽新復之

其知江陵府向在寶祐二年後也登字景宋德安人出制

置使孟理幕府置四年舉進士調興山主簿制置使李

曾伯經理襄陽登程有以積功升後至軍器少監京西提

點刑獄開慶元年提兵後蜀卒宏簡錄云登程在行以功陞

將作監丞較宋史為詳高遠屢見於本紀置祐十一年四

月高遠帶行遙郡判史權知襄陽府管內安撫節制軍馬

寶祐元年三月錄襄城功高遠帶行環衛宮遙郡團練使

銘刻於寶祐二年信都統不言帶知襄陽府殆以遙授之

職故也首云體祐十一年也

後云越三年寶祐二年也

柳樹橋寶祐題記

存正書  
在崇陽

鑿山引水

大宋歲癸丑寶祐

拔石通道  
使往來者

永有利濟

歲已寶祐

下換欄  
不可辨

崇陽洪題壁正書寶祐元年在崇陽縣柳樹橋石壁間有  
大宋歲癸丑寶祐七小字下四行鑿山引水拔石通道使  
往來者永有利濟十六大字旁一行直下有歲已寶祐其  
下似有十餘字不可識後又有小字百餘只存一丑字

嘉慶

通志

普安寺鐘

存正書陽文  
在沔陽川

大宋國江陵府江陵縣二十六都石相院西隄居王泉行祠  
蔣真人香火端公周顯同杜掌梁智旺王世隆鄭思旺等緣  
化十方善男信女資金鑄造大鐘一口永充復州南畢家池  
普安寺常住持養 景定元年十二月

普安寺鐘正書陽文景定元年十二月在沔陽州南四十  
里永固寺入蜀記畢家池勢爽塏居民頗眾有廣福永固  
寺東偏白雲軒蓋屬復州玉沙縣滄浪鄉云

平山先生墓志銘

佚據金石存  
佚考錄入

平山先生母公仁人也少時見蜀人死於亂離如痛入肌髓

收遺骸露骸藏之叢冢者以萬計流亡苦寒飢賴衣食以更生者又幾萬人帑不畱錢廩不畱粟悉傾倒施舍以活民命家以此屢空嗟乎一年少書生惻隱滿懷真能以天地萬物爲一體豈非英雄人哉其尉安化也峒岷作亂單車牛衣入甦甦篳竹間推赤心曉以禍福開以生路凶渠感恩羅拜至泣下民社以臨糴穀萬餘石爲社倉四境無飢民邑庠不養士始闢齋舍豐廩庖日以六籍四書講明士皆篤文行令有當爲之事而不爲者今皆爲之士民愛戴如父母其攝令衡陽也善政與善教並行百姓皆歡心而歌舞之無以異於安化也部使者交薦堂除南康令公辭曰世與道交相喪久矣人物彫零願作一令官爲國育英才可乎分教黃州兼領雪堂河南兩書院事教人必明體適用文武無不能功臣貴將

子孫皆願立講下江淮湖石後進士經文講畫有文名者尤多沿江兩帥借隆望以精神一間衛靈公豈能知仲尼哉際可耳公養耳後帥辟爲幹辦公事又辟主管機宜文雖不能悉心受教公竭智殫慮茸罅漏猶能護一面風寒叛膽敵心有所憚不犯偏閫界時宰頗知公除禮部架閣仍贊軍機任改秩襄陽急將相皆天奪其鑒陽援而陰棄公有策可以解圍可以弭兵可以使南北百萬億蒼生全性命知時宰必不用憂憤成疾竟以庚午閏十月十三日終於黃州官舍家無餘財厥子無以終大事軍民悲憐斂殯葬諸費皆閫帥給之公諱廷瑞字仁叔家世河東之龍門後唐同光丙戌高祖平章母氏公昭裔從孟知祥入蜀送家焉公生於成都中進士第興元府推官諱嚴者其曾祖登科宰南溪諱諫者其祖

太學上舍生諱自誠者其父生於己卯享年五十二娶劉氏  
生三男遇辰逢辰應辰皆以奇才實學爲達官當方面者所  
知由進士選舉入仕或辭祿廬墓或貳郡或丞邑止者得伯  
夷柳下惠之仁仕者合伊尹呂牙之道皆豪傑士也逢辰仕  
建安條上四十事說逢官爲生靈留一髮生意人望翕然辛  
未正月十一日子孫奉公柩葬於興國軍大市縣鄉曰永豐  
里曰白雉原曰黃龍山嗚呼公生而英偉恢廓有大志惠義  
而力行爲布衣已能哀憐鋒鏑遺黎葬者獲生者皆以萬計  
庶幾古之君子學足以見天地聖人之大而仕止一掌故佐  
邊閫其沒年方五十二諸公貴人不能用其才行其道以轉  
亡爲存易亂爲治也惜哉枋得與公仲子相識晚而相知深  
請予銘公墓銘曰



才可以扶國之亡而爲興道可以挽世之降而爲升天不假孔明公瑾以年人已知漢業之必傾計公生平之陰德非古之大丈夫卽不能黃河之源不可窮則奔流萬里而入海松根之茯苓不可剝則柯葉千載而長青匪春種而秋穫信雲族而雨盈志有續而道有窮必長拔顛崖辛苦之蒼生而見清平

平山先生墓志銘謝枋得撰咸淳七年墓在大冶縣東黃

龍山

金石存佚考

宋玉宅三大字

佚

宋玉宅在秭歸縣東今爲酒字墟舊有石刻宋玉宅三字

人蜀記

象山二大字

有正書在

象山

按此二字似宋人書附於宋末

鳳立二大字

有正書在

鳳立

按此刻在漢陽鳳樓山石壁梅巖二大字之右嘉慶通志以四字為連文實則鳳立指小非趙時一手書也今附宋末

圓明寺殘碑

有正書在

堂

上宿厂揮塵玩

下上

俾石室咄成作文

下上

先獲背山

音一月

下上

段寺僧惑

下

九嶷山麓圓明寺建自宋道睦禪師明永樂中姚廣孝薦

廣化禪師於朝勅爲建寺蓋閩邑第一古刹也累經兵燹  
碑碣靡存天啓時涪川令沈公惟耀倡議修葺得殘碑於  
牆址拭讀之文無起訖又無書者姓名臨池家或指爲蘇  
或指爲黃究莫能定大約千餘年物亦堪寶貴也

孝感志

### 白雲山古井碑

有正書  
在孝感

丁卯歲五月亢旱禱於費聖龍祠隨得感通大熟特刊龍像  
永鎮萬金池傳利澤不朽郡守瀝陽里婁安邦誌

白雲砦爲自古避兵地同治壬戌捻匪躡楚孝感受害最  
烈惟入白雲砦者獲全癸亥洪樂鄉居人大加修葺舊有  
白龍砦池可供砦人炊爨久淹淤舉人沈殿英捐錢百緡  
浚之深至二丈餘獲石長二尺六七寸寬尺餘面鐫龍形

背刻祈雨有應驗事末署郡守瀨陽里婁安邦誌紀年但  
云丁卯究不知爲何代考舊志亦無萬金池費聖神祠等  
名立下有甄刻旱魃神頗如神異經所云狀并置婁神廟  
中後甄失去今僅石存

金石志十二